


[1]金魚街其實係通菜街其中一段街道，因為嗰度有好多鋪頭專賣觀賞魚同埋養魚日用品。鋪頭門口好多時會掛住一包包透明膠袋，裏面袋住啲非常之靚嘅魚仔。



[2]夏天嘅香港真係又濕又熱，大廈、交通公具都會開冷氣，但係冷氣噴出街嘅廢氣就令香港更熱。其實如果可以將冷氣溫度調高返少少，唔駛開住冷氣著外套，咁樣條街就會無咁熱啦。

[3]金魚街啲魚鋪頭，又叫做水族店。好多水族店裏面都有一排排大魚缸，魚缸打晒燈，啲金魚或者其他五顏六色嘅觀賞魚喺水度游嚟游去，感覺真係好鬼神奇！



Photo by Raita Futo

[4]好多人都話金魚記性好差，其實係冇科學根據㗎！原來金魚記性一啲都唔差。佢哋會認得餵佢哋食嘢嘅人，又會記得邊度最容易搵嘢食。或者你都可以訓練下你屋企嗰條金魚㗎！

[5]又有好多人話金魚唔知飽，見嘢就食，所以會食得過飽而死。其實，金魚梗係冇咁蠢啦！不過，食唔晒嘅魚糧留喺水度會影響水質，減低水裏面嘅氧氣，金魚就會缺氧而死！

[6]廣東話「呢度」同「嗰度」唔好搞錯呀。「呢邊」即係here，這裏，同你距離唔太遠。「嗰度」即係there，那裏，同你距離就遠啲喇！



[7]小巴全名叫「小型巴士」(Minibus)，有紅色公共小巴(紅VAN)同埋綠色專線小巴(綠VAN)兩種。坐車時一定要綁好安全帶。落車嘅時候，記住係小巴到站之前就要大叫：「前面有落，唔該！」